



CYNGOR TREF LLANBEDR PONT STEFFAN
COFNODION CYFARFOD 28.10.2010 A GYNHALIWDYD YN
NEUADD YR EGLWYS LLANBEDR PONT STEFFAN GAN DDECHRAU AM 7.30PM

I. CROESO GAN Y CADEIRYDD AC OFFRYMU GWEDDI

Croesawodd y Cadeirydd, y Dirprwy-Faer Hag Harris yr holl aelodau i'r Cyfarfod. Offrymwyd gweddi gan y Cyng. Greg Evans.

YN BRESENNOL

Dirprwy-Faer Robert (Hag) Harris (Cadeirydd);

John Davies; Margaret Davies-Evans;

Greg Evans; Dorothy Williams & Derek Wilson.

Y Cyngorydd Sirol Ivor Williams

Y Plismon Walters; SCCH Ryan Jones

Elin Davies-Russell -Gweithiwr Ieuenctid All Gymorth; Canolbarth Ceredigion (Aberaeron, Tregaron, Llambod, Aberteifi a Llandysul)

Mr Lawrence Fleming, Gweithiwr Ieuenctid Ardal, Canolbarth Ceredigion.

2. CYFLWYNIAD: GWASANAETHAU IEUENCTID CEREDIGION

Derbyniwyd cyflwyniad gan Elin Davies-Russell Gweithiwr Ieuenctid All Gymorth, Canolbarth Ceredigion a oedd yng nghwmni Mr Lawrence Fleming, Gweithiwr Ieuenctid Ardal.

Y mae rhaglen-waith y Weithwraig Ieuenctid yn ymroi i helpu'r ieuainc rhwng 16-19 oed. Byddant yn cael eu ricriwtio drwy waith partneriaeth, cyfeirebau, ymarferwyr ac all gymorth. Anogir yr Ieuenctid yn eu harddegau i geisio am gymwysterau achrediad ac i gymryd rhan gweithredol yn y darpariaeth presennol a gynigir gan y Gwasanaeth Ieuenctid. Clustnodir achrediad mewn meysydd megis Ffotograffiaeth, Sgiliau DJ, Llunio Ffilm, Beicio ar y Mynyddoedd a Sgiliau Bywyd ee rheoli arian. Caiff sgiliau tîm a sgiliau gwranddo eu dysgu a chymerir rhan yng nghynllun Llywodraeth Cynulliad Cymru *Y Funky Dragon*, sy'n hybu dinasyddiaeth weithgar. Sefydlwyd Fforymau ar gyfer yr Ieuenctid a thripiâu, gwersylloedd ac ymweliadau cyfnewid ee i Bortiwgal a Gwlad Pwyl. Cyfarfu'r mudiad bob Nos Lun o 4-6.00pm yng Nghorsaf Ddan, Llambod.

Y mae'r Clwb Ieuenctid Llambod yn gwasanaethu ystod oedran 11-25 oed. Cynhelir bob nos Lun a nos Fercher o 6.30-9.00pm yng Nghanolfan Steffan, Llambod adeg tymor yr ysgol. Trefnir gweithgareddau gwahanol yn ystod y gwyliau. Y mae Clwb Ieuenctid Llambod yn cyflogi Hŷn-weithiwr Ieuenctid (3.5 awr yr wythnos); a 2 Weithiwr Ieuenctid (3 awr yr wythnos). Caiff yr ieuainc eu haddysgu ym meysydd megis democratiaeth, rôl y gwasanaethau brys, coginio, gweithgareddau codi arian, cyfrannu yng ngemau a rhaglenni a'u trefnwyd gan y Gwasanaethau Ieuenctid yn ogystal â digwyddiadau "sbri" ee y Disgo Golau Glas a lwyfannwyd ym mhartneriaeth â'r Heddlu. Gofynnwyd tybed a oedd yna bosibilrwydd y gwelir tŵf parthed y Clwb Ieuenctid. Adroddwyd bod nifer o'r ieuainc yn mynychu'r Clwb ond gobeithir gweld cynnydd yn y rhif yn ystod y dyfodol. Adroddwyd bod ail-sefydlu'r Clwb yn Llambod wedi bod yn llwyddiannus a gobeithir ehangu ar hyn yn ystod y dyfodol.

YMDDIHEURIADAU A MATERION PERSONOL

Derbyniwyd ymddiheuriadau oddi wrth y Maer Rob Phillips; Cynghorwyr Tref Cecilia Barton; Andrew Carter; Lynda Mason-George; Kistiah Ramaya; Chris Thomas & Selwyn Walters. Roedd y Maer Rob Phillips a'r Cynghorwyr Barton, Ramaya a

Walters yn absennol gan eu bod yn ymweld â St Germain-sur-Moine, tref a gefeillwyd â Llambod.

3. **MATERION YN YMWNEUD Â'R HEDDLU**

Bu i'r Heddlu ddiweddarau aelodau parthed digwyddiadau.

3.1 Ardal Gwahardd Alcohol ar gyfer Llambod – Adroddwyd bod alcohol yn cael ei yfed ym Mharc-yr-Orsedd ac ar y fainc gerllaw Archfarchnad y Co-op. Dywedodd y SCCH Ryan Jones bod diffyg golau ym Mharc-yr-Orsedd, yn anfantais,

3.2 Y mae'r fan transit, heb dreth a gyfeiriwyd ato yn ystod cyfarfod mis Awst a Medi'r Cyngor Tref wedi ei symud oddi ar y Cwmins. Trafodwyd torri'r gyfraith ynglŷn â pharcio a derbyn cosb heb fod yn gosb troseddol.

3.3 Y mae ymholiadau'n mynd yn eu blaen parthed y cerrig beddau a chwalwyd ym mynwent San Pedr. Y mae 3 person ieuainc wedi eu dal am gyflawni'r drosedd (croes-gyf 6.3).

4. **DATGELU BUDDIANNAU PERSONOL A SY'N RHAGFARNU**

4.1 Bu i'r Cyng. Harris ddatgan buddiant personol a sy'n rhagfarnu yn ystod y drafodaeth yn ymwneud â'r Arolwg o Drefniadau Etholiadol Cynigion Drafft, Sir Ceredigion yn ystod cyfarfod mis Medi'r Cyngor Tref. Ar ôl derbyn cyngor gan Claire Jones, Adran y Gyfraith, CSC, eglurodd y Cyng. Harris yr oedd yn ddi-angen iddo ddatgan buddiant sy'n rhagfarnu. Byddai datgelu buddiant personol wedi bod yn ddigonol ar yr achlysur hwn a gallai wedi cyfrannu i'r drafodaeth.

5. **CADARNHAU COFNODION y cyfarfod a gynhaliwyd ar yr 30^{ain} o Fedi 2010**

Penderfynwyd bod cofnodion mis Medi yn gofnod cywir. Arwyddwyd gan y Cadeirydd.

6. **MATERION SY'N CODI**

6.1 Gwelliannau i'r Sgwâr Harford

Gofynnir am gytundebau ar ôl i'r Maer gysylltu â'r Orsaf Dân, Llambod i ofyn tybed a fyddai'n bosibl iddynt olchi'r slabiau. Y mae'r gwaith wedi ei dorri i lawr i 4 rhan. Bu i'r Cyng. Derek Wilson siarad â Mr John Jones, Saer Maen, a Mr Gwilym Price ynglŷn â gwella cyflwr y Ffynnon (rhan o'r gwaith i'w hysbysebu arwahân oherwydd natur arbenigol y gwaith; bydd y 3 rhan arall yn cael eu hysbysebu fel un cytundeb). Eiddo'r Banc HSBC yw'r coblau ar y ddwy ochr i Sgwâr Harford. Bydd yn ofynnol i gyflwyno anfonebau i'r CSC erbyn 31 Mawrth 2011 i fod yn gymwys ar gyfer grant o 30%. Rhaid i'r CT geisio am Drwydded Stryd (£170) a rhaid i gontractwyr gydymffurfio â Pholisi Caffaeliad y CSC ee rheolau iechyd a diogelwch, bod yswiriant atebolrwydd cyhoeddus mewn lle ac asesiadau risg. **Penderfyniad: i gysylltu â'r Maer am yngor pellach.**

6.2 Cyfarfod Ymgynghorol â'r Cyngor Sir: 16 Tachwed 2010 am 7.00pm yn Neuadd Fictoria: Cwestiynau i'w Cyflwyno o flaen llaw: Y Ganolfan Integredig i Blant; Mountwalk; Maes Parcio'r Rookery; Prosiect Lôn Picton; cynlluniau y dyfodol ar gyfer Neuadd Fictoria a Gwaith Siarter a'r cysyniad o ddirprwyo cyfrifoldeb am weithgareddau oddi ar y CSC. **Penderfyniad: Aelodau i gyflwyno cwestiynau pellach os dymunant i'r Clerc, erbyn y 7fed o Dachwedd.**

6.3 Apêl y Cerrig Beddau: Bu i'r Maer siarad â'r Canon Aled Williams parthed yr Apêl. Cytunwyd i drefnu noson yn Neuadd yr Eglwys i ganiatau aelodau'r cyhoedd y cyfle i wneud cyfraniad. Bydd lluniaeth ysgafn ar gael. **Penderfyniad: Y Clerc i gysylltu â'r Maer i gydlynu dyddiad addas. Gall y cyhoedd anfon cyfraniadau i'r Cyngor Tref dan law'r Clerc. Ar ôl sefydlu**

dyddiad, y Clerc i hysbysu'r Wasg, Y Cambrian News a'r Carmarthen Journal, gosod hysbyseb ar yr hysbysfwrdd ac ar y safle ar y we.

6.4 Lôn Picton: Adborth: Cyfarfod safle 20.10.2010. Bu i gynrychiolaeth o'r Cyngor Tref sef y Dirprwy-Faer Hag Harris (Cadeirydd); Selwyn Walters; Margaret Davies-Evans; Y Clerc a'r Cyng. Sirol Ivor Williams gyfarfod â Swyddog o'r Adran y Priffyrdd, Eiddo a Gwaith CSC, sef Mr Tom Delph-Januirek ar yr 20.10.2010. Trafodwyd opsiynau gwahanol. Argymhellaid y CSC oedd cau 'r fynedfa'r Lôn, Stryd y Bont, yn barhaol. Y mae 200 o gerbydau'n teithio i'r dwyrain (o Stryd Newydd i Stryd y Bont) yn feunyddiol, a 30 i'r gorllewin. Ar gyfartaledd 13.4mya yw cyflymder y cerbydau a meddylid ei fod yn ormodol wrth ystyried culni'r lôn. Byddai'r system newydd a grybwyllwyd gan y CSC yn gwahardd traffig rhag teithio drwy'r lôn i'r dwyrain, sydd wedi bod yn gonsyrn aruthrol i drigolion lleol. Caniataer mynedfa o gyfeiriad Stryd Newydd a bwriedir arddangos arwyddion cymwys i'r perwyl hwn.

Nid oedd y CSC o blaid y trefniant "un-ffordd" gan y byddai'n debygol fod modurwyr yn codi cyflymder ac yn berygl ychwanegol i gerddwyr a beicwyr. Byddai'r dull newydd yn cael gwared a'r anhawster a wyneba modurwyr pan geisiant droi i'r lôn o gyfeiriad Stryd y Bont (pan yn teithio o'r dref). Rhaid aros i gerbydau o Gwmann i fynd heibio cyn troi ac ym aml cyfarfyddant â cherbydau'n teithio i'r dwyrain. Fel canlyniad rhaid iddynt wrthdroi i Stryd y Bont. Adroddwyd nad oedd y lôn yn ddigon cadarn i gynnal mesuriadau distewi traffig. Ni fyddai trefniant pyst yn cael ystyriaeth ar gyfer 2 ben y lôn.

Bu i aelodau ystyried yr adborth. Cynigwyd i dderbyn y Gorchymyn hy i wahardd cerbydau rhag derbyn mynediad o gyfeiriad Stryd Y Bont – 2 bleidlais dros y cynnig, 2 yn erbyn ond yn hytrach i gyflwyno arbrawf i wahardd cerbydau i dderbyn mynediad o Stryd y Bont am gyfnod; un atal bleidlais ac un pledlais fwrw gan y Cadeirydd yn erbyn y cynnig a dros yr arbrawf. Cytunwyd i hysbysu'r CSC bod aelodau'r CT yn derbyn eu hawgrymiadau ond eu bod yn ffafrio cynllun arbrofol i gau mynedfa ochr Heol y Bont dros dro ac i asesu'r canlyniadau cyn dod i benderfyniad ynghlŷn â'r Cynllun parhaol. Y mae aelodau'n ymwybodol mai cynllun ar y cyd yw'r fenter rhwng y CT a'r CSC ac wedi cytuno i dalu oddeutu £1,000. Amlygwyd yn ystod y cyfarfod petai'r dull dros-dro yn cael ei fabwysiadu ar y cychwyn, i'w ddilyn gan y trefniant parhaol, byddai'r gost yn fwy wrth gymharu â gosod y trefniant parhaol mewn lle ar y cychwyn cyntaf.

6.5 CCB Un Llais Cymru 9.10.2010: Bu i'r Gyng. Dorothy Williams a'r Maer Rob Phillips fynychu'r Cyfarfod. Materion a drafodwyd (Atodiad 1).

6.6 Rheoli Risg o Erydu Arfordirol a Llifogydd: Datblygu Strategaeth Genedlaethol i Gymru. Y CSC yn gofyn i'r Cyngor Tref petaent yn gallu eu cynorthwyo i ddarparu gwybodaeth ynghylch unrhyw feysydd o risg sylweddol o lifogydd y dylid gael eu nodi ac os yn bosibl ddarparu rhai dyddiadau o ba bryd y digwyddodd y llifogydd, eu maint, eu ffynhonnell a'u hachos. Gan fod y Gyng. Elsie Dafis ac Andrew Carter yn absennol, ni drafodwyd y mater.

6.7 Arwyddion o fewn y dref:

- Arwydd ar gyfer y ffin Sir Gâr/Ceredigion &
- Arwyddion Bryn-yr-Eglwys/Penbryn & Maesyderi/Gwêl y Creuddyn: disgwylir datblygiadau pellach gan y Cyngor Sir parthed yr uchod.

6.8 Hysbysfwrdd y Cyngor Tref: Cyng. Wilson i beintio'r hysbysfwrdd yn ystod y dyfodol agos.

- 6.9 Cais am feinciau eistedd cyhoeddus ar gyfer y Stryd Fawr:** roedd y gohebydd wrth gefn i'r ymholiad o'r farn ei fod yn ddyledus ar y CT i ddarparu lle eistedd ar gyfer y Stryd Fawr, yn enwedig ar gyfer yr henoed. **Dim dablygiadau: Y Cyng. John Davies i glustnodi sylw pellach i'r mater.**
- 6.10 Dodrefn y Cyngor Tref:** Oherwydd absenoldeb y Cyng. Selwyn Walters cytunwyd i ohirio'r drafodaeth tan y cyfarfod nesaf.
- 6.11 Disgl loeren** wedi ei harddangos ar y Stryd Fawr: adroddwyd bod angen caniatâd cynllunio pan yn arddangos ddisgl loeren o fewn Ardal Cadwraeth.
- 6.12 Atgoffwyd y Cyfarfod o'r trefniadau** a oedd ar y gweill ynglŷn â gwasanaeth Sul y Cofio ger y Gofgolofn am 11.00am ar y 14.11.2010 i gofio'r rai hynny a fu farw yn ystod y Ddwy Rhyfel Fawr y ganrif olaf a mewn brwydrau terfysgol ers hynny. Hefyd i gadw 2 funud o osteg ar y Sgwâr ar yr 11.11.2010 am 11.00am

7. GOHEBIAETH

- 7.1 Cyfarfod Partneriaeth Pobl Ieuaic 19.11.2010** am 9.30am, Hen Neuadd, Coleg Prifysgol Cymru Y Drindod Dewi Sant: Enwebwyd y Maer; Cyng. Chris Thomas; Elsie Dafis a Lynda Mason-George i fynychu'r Cyfarfod.
- 7.2 Llythyr gan aelod o'r cyhoedd parthed y** gorlenwad o draffig ar Stryd y Felin – i ail-gyfeirio'r llythyr at y Cyngor Sir ac i hysbysu'r anfonwr.
- 7.3 Cyfarfod Ardal Ceredigion Un Llais Cymru Hydref 2010:** nid oedd y Maer a'r Gyng. Dorothy Williams yn bresennol.
- 7.4 Cyngor Tref Aberystwyth:** Cytundeb Siarter rhwng y Cyngor Tref a'r Cyngor Sir: Y mae CT Aberystwyth am gymryd cyfrifoldeb am wasanaethau o fewn ei bwerau statudol o ddwylo CSC, mewn egwyddor, ac yn gobeithio y gall unrhyw gytundeb siarter a ddatblygir gan *Un Llais Cymru* gymryd hyn i ystyriaeth, gan gynnwys cyllid priodol. Penderfynodd aelodau Cyngor Tref Aberystwyth i ysgrifennu at Gynghorau Tref yng Ngheredigion i ofyn petaent yn cytuno â'u dyhead o gymryd cyfrifoldeb am weithgareddau â'r cyllid i gyfateb a phetaent yn barod i gydweithredu i symud y mater yn ei flaen. Cytunwyd i enwebu'r Maer i fynychu'r Cyfarfod i gynnwys cynrychiolwyr o Gynghorau Tref Ceredigion i gyfarfod mewn safle canolog, gyda'r nod o drafod y mater ymhellach.
- 7.5 Siambr Fasnach Llambod:** Rhestr o ddigwyddiadau ar ddigwydd.
- **Nos Wener 3 Rhagfyr:** Goleuo'r Goeden Nadolig, cyngerdd i ddilyn yn y Brifysgol a bwffet a diodydd. Gwahoddir y Maer i oleuo'r goleuadau Nadolig ac estynnir gwahoddiad i holl gynghorwyr i ymuno ag aelodau'r Siambr Fasnach yn nathliadau'r noson.
 - **Nos Iau 9fed Rhagfyr Siopa Nadolig hwyr yn y dref (croes gyf 7.6):** Gofynnir i'r Maer wneud anerchiad yn ystod y Seremoni Agoriadol ac i feirniadu'r Gystadleuaeth Ffenestr Siop Orau.
- 7.6 Cau Heol dros dro oherwydd digwyddiad arbennig,** Stryd Fawr, Llambod 15.00-21.00, 9.12.2010: Siopa Nadolig yn Hwyr: Siambr Fasnach Llambod.
- 7.7 Ynadon yn y Gymuned:** Swyddfa Llys Ynadon Aberaeron yn dweud eu bod yn barod iawn i drefnu i Ynad ddod i siarad am rôl a swyddogaeth yr ynadaeth yn un o gyfarfodydd y Cyngor Tref. Penderfynwyd i beidio â derbyn y cynnig.
- 7.8 Cylchgrawn Cymru Wledig:** er gwybodaeth.
- 7.9 Cynulliad Cenedlaethol Cymru:** Arolwg Cynghorau Tref a Chymuned 2010: i'w gwblhau gan y Clerc mewn ymgynghoriaeth â'r Maer.
- 7.10 Man Cyfarfod Cyhoeddus Cymraeg Seminar yr Hydref:** Awdurdodau Lleol sydd heb fod yn defyddio Ynni Niclear. Yr Economeg yn ymwneud â'r cynnydd yn nefnydd o Ynni Niwclear yng Nghymru— A ydy'n bosibl i dalu amdano, pwy sy'n talu a sut y dylai pŵer ynni gael ei ariannu yn ystod y dyfodol? Dydd

Iau 25ain o Dachwedd, Swyddfa'r Cyngor, Boulevard St. Briec, Aberystwyth.
Enwebwyd y Maer i fynychu'r Cyfarfod,

- 7.11 **Holiadur Heddlu Dyfed-Powys:** Y Maer i gwblhau'r holiadur ar ran y CT.
 - 7.12 **Cyfarfod Ymgynghorol Cymunedol ar y Cyd Ceredigion 2010** Heddlu Dyfed-Powys: : Penmorfa Aberaeron 11.11.2010: Enwebwyd y Cyng. Kistiah Ramaya i fynychu'r Cyfarfod.
 - 7.13 **Cyfarfod y Mynyddoedd Cambria:** 9.11.2010: Y Cyng. Greg Evans i fod yn brersennol.
 - 7.14 **Cyngor Henoed Ceredigion:** Cyfarfod Cyffredinol Blynyddol 18.11.2010 am 2.00pm, Neuadd Goffa, Aberaeron: Enwebwyd y Maer i fynychu'r Cyfarfod.
 - 7.15 **Polyn Basged sy'n Hongain:** wedi ei ddifrodi ar y Cwmin gan gerbyd. Eboest gan GSC yn gofyn i'r CT i glustnodi sylw pellach i'r mater gan mai eiddo'r Cyngor Tref yw'r postyn. Penderfyniad: Y Cyng. Harris i drafod ymhellach â'r heddlu i geisio gwybodaeth pellach parthed y digwyddiad; y Cyng. Greg Evans i dynnu lluniau o'r post a'r Clerc i gysylltu â'r CSC i drefnu i'w drwsio neu ei gyfnewid. I ofyn i'r CSC am enwau'r Cyflenwyr gan mai CSC oedd y rhai a osodwyd y post mewn lle ar y cychwyn cyntaf yn ystod cystadleaueth "Mewn Blodau".
 - 7.16 **Gohebiaeth eraill:** er gwybodaeth yn unig.
8. **MATERION CYNLLUNIO**
CEISIADAU CYNLLUNIO (Ymatebion wedi eu cyflwyno gan y Maer a'r Dirprwy-Faer neu'r Maer y Flwyddyn Flaenorol)
- 8.1 **Codi estyniad,** Bryn Llys, Heol y Bryn, Llambod: angen sylwadau erbyn 20.10.2010: Dyfarniad y CT: Dim gwrthwynebiad.
 - 8.2 **Darparu llain** ar gyfer holl newidiadau yn yr hinsawdd i gynnwys llif-oleuadau – Ysgol Gyfun Llambod: angen sylwadau erbyn y 14.10.2010: Dyfarniad y CT: Dim gwrthwynebiad.
 - 8.3 **Newidiadau ac addasiadau** i'r cyntedd ar fynedfa'r tŷ a newid safle drws y mynedfa, Wern Driw, Stryd Fawr, Llambod (angen ateb erbyn 19.10.2010): Dyfarniad y CT: Canaitawyd.
- Caniatâd Cynllunio gan GSC**
- 8.4 **Adeiladu annedd:** Plot 5 Maeshyfyrd, Llambod. Ymgeisydd Mr E Davies. Rhif y Cais: A100342.
 - 8.5 **Adeiladu annedd:** Plot 6 Maeshyfyrd, Llambod: Ymgeisydd: Mr & Mrs Gregson. Rhif y Cais: A100343
- GWRTHODWYD CANIATÂD CYNLLUNIO AR GYFER**
- 8.6 **Arddangos Arwyddion:** Garej ar gyfer Gwasanaeth Car, Heol y Gogledd, Llambod. Ymgeisydd: Mr M Swindles. Rhif y Cais: A100556AV
 - 8.7 **Pwyllgor Rheoli Datblygu: CSC 13.10.2010:** er gwybodaeth. Gofynnwyd petai'r CT yn dymuno parhau â'r trefniant o dderbyn copiau papur yr Agenda a Chofnodion y Cyfarfodydd Y Pwyllgor Rheoli Datblygu; neu gorffen yn gyfangwbl â'r trefniant neu derbyn copiau electronig. Cytunwyd i barhau â'r trefniant presennol.
 - 8.8 **Seminar "Cynllunio"** Un Llais Cymru £25: er gwybodaeth.
9. **MENTER LLAMBED**
Y mae trafodaethau'n mynd yn eu blaen parthed yr ymsuddiad yn ymwneud â'r Neuadd Fictoria.
10. **CYLLID**
- 10.1 **CEISIADAU ARIANNOL**
 - 10.1.1 **Canolfan Therapi** i Blant Bobath: NI wnaethpwyd cyfraniad ar gyfer yr elusen.

10.1.2 Cymorth i Ddiodefwyr Cymru £50.00.

10.1.3 Ford Gron Llamed: £300.00

10.1.4 Eisteddfod Genedlaethol Wrecsam a'r Cylch 2011: £100;

10.1.5 Ambiwylans Awyr Cymru: £100

10.1.6 Home Start Ceredigion: £50.00

10.2 TALIADAU

Rhif y Siec:	Tâl ar gyfer:	Swm
001877	Neuadd yr Eglwys San Pedr: hirio'r neuadd ar gyfer cyfarfod y CT 30.9.2010	£22.50
001878	Alec Page, Gof Magl ar gyfer y gât ym Mharc-yr-orsedd & asio "Bachyn Atal" i'r gât ar y brif fynedfa	£55 TAW £9.63 CYFANSWM £64.63
001879	Mr Lyn Jones Torri Glaswellt x 6 Cae Maesyderi	£600
001880	CSC Te Parti Ieuainc Mewn Ysbryd Neuadd Fictoria	£46.00
001882	Cyllid a Thollau EM	£16.93
001883	Cyflog y Clerc Hydref 2010	£621.70
001885	Chris Studman CWN Design Cynnal a Thrwydded CMS - safle ar y we Cyngor Tref Llamed	£200 TAW £35 CYFANSWM £235
001886	Mr Gwynne Davies: hirio uchelseinydd- Dydd Sul y Cofio 2009; 2010	£120
001891	Hirio Neuadd San Pedr ar gyfer Cyfarfod y CT 28.10.10	£18.75

10.3 Y mae'r Archwilwyr Allanol BDO Stoy Hayward o'r farn y dylid cynnwys y ffens newydd Parc-yr-orsedd a'r arwyddion newydd mynedfeydd y dref ar Gofrestr Asedion Sefydlog y CT: i geisio gwybodaeth pellach.

10.4 Archwiliad mewnol y Cyfrifon gan y Maer: cytunwyd i ymwneud â'r arolwg bob 3 mis yn hytrach na bob mis fel y cytunwyd ynghynt.

11. IS-BWYLLGORAU

11.1 Goleuadau Stryd

Cysylltiadau Di-fetr Dros-Dro: Goleuadau Nadolig: ar gyfer Sgwâr Harford; Stryd y Coleg; Stryd y Bont: Western Power Distribution: y mae'r ffurflen wedi ei hail-gyfeirio at sylw Mr Sam Thomas.

11.2 Llwybrau Cerdded + Parc-yr-Orsedd

11.2.1 Parc-yr-Orsedd: Ymgwymerwyd â'r Arolwg Parc gan Digley Associates ar y 12fed o Hydref. Disgwylir adroddiad ysgrifenedig maes o law.. Cysylltodd yr arolygwr â'r Cyngor Tref ar ôl ymwneud â'r arolwg i ddweud ei fod wedi casglu nifer o foteli a chaniau o gwrw a wasgarwyd dros y parc. Gwnaeth iddo ddwyn sylw'r Clerc hefyd at y graffiti ar orsfeydd Ymarfer Corff, y meinciau a'r castell o bren; yn ogystal â'r difrod i'r arddangosfa grochenwaith. Hysbyswyd yr heddlu gan fod Parc-yr-orsedd wedi ei gynnwys o fewn y Parth Di-Alcohol. Y mae statws o'r fath yn caniatáu'r Heddlu i gipio alcohol oddi wrth bersonau sy'n yfed alcohol o fewn yr

ardaloedd penodedig. Bydd yn ofynnol i'r Cyngor Tref i gydweithio â'r Heddlu i sicrhau bod y cynllun mor effethiol â phosibl. Adroddodd y Gyng. Dorothy Williams fod y weithred o yfed y ddiod feddwol yn digwydd yn ystod y prynhawn a bod plant sy'n chwarae yn y parc yn dyst i'r weithred yn ogystal â bod yn agored i'r peryglon yn ymwneud â'r gwydr. Byddai'n fanteisiol petai person yn cadw llygad ar y parc yn feunyddiol i sicrhau diogelwch holl bersonau.

Oherwydd absenoldeb y Cyng. Chris Thomas penderfynwyd i ohirio'r drafodaeth tan cyfarfod y dyfodol. Yn y cyfamser cytunodd y Gyng. Dorothy Williams i oruwchwylio'r parc yn rheolaidd.

Adroddodd y Cyng. Chris Thomas (cyn y cyfarfod) fod person lleol wedi derbyn cyfarwyddiadau i gael gwared â'r graffiti yn ystod yr wythnos olynol, a mae'r magl ar gyfer y gât Stryd Y Gogledd wedi ei osod mewn lle gan Mr Alec Page a hefyd y gât ar brif fynedfa i'r parc wedi ei drwsio. Y mae'n ceisio amcanbrisiau ar gyfer tocio'r canghennau coed ac y mae trefniadau mewn llaw i ail-osod y plac crochenwaith ac i wella cyflwr yr arddangosfa. Bu i'r Clerc gynghori'r cyfarfod i geisio gwasanaeth ceidwad ar gyfer y parc gyda'r bwriad i gynnal a chadw'r parc, gan gynnwys ei oruwchwylio'n gyson.

Y mae'r trefniant presennol yn cynnwys un toriad gwair y mis o Ebrill i fis Medi (i gynnwys y 2 fis yma) ac y mae materion eraill ee tocio coed a thrwsio'r meinciau yn cael eu hymgydryd megis hap a damwain. Y mae'r gwaith megis chwynnu a chasglu dail yn cael eu hymgydryd yn anaml iawn ac yn ystod y 5.5 mlynedd diwethaf y maent wedi eu cario allan pan yn paratoi ar gyfer Cystadleuathau *Mewn Blodau* neu'r Lansiad Offer Cadw'n Heini yn Ebrill 2009. Y mae'r Cyng Dorothy Williams a'r Cyng. Chris Thomas wedi bod yn weithgar iawn yn ystod y gorffennol i gynnal a chadw'r parc mewn cyflwr derbyniol ond byddai trefniant parhaol yn sicrhau bod nifer y problemau cyn lleied â phosibl. Y mae CSC yn gwacau'r bin sbwriel yn gyson a Mr Ian Thunderball yn gwaredu â'r defnydd ail-gylchu yn ôl yr angen.

11.2.2 Y mae angen ail-glymu bin i'r llawr a hefyd cloriau newydd ar gyfer y biniau: Oherwydd absenoldeb y Cyng. C Thomas ni sefydlwyd os oedd y mater wedi derbyn sylw.

11.2.3 Heb ei gyflawni cyn belled: Dod o hyd i amnewidiad i'r asyn pren:

11.2.4 Cwrs Hyfforddi Archwilwyr Meysydd Chwarae: 25/26/27 Hydref 2010. Y Cyng. Chris Thomas wedi mynychu'r cwrs.

11.2.5 Cynllun Llwybrau Cymunedol CSC 2011: 50% grant- i ail-gyfeirio'r ffurflen at sylw'r Cyng. Carter.

11.3 Camerau TCC

11.3.1 Adroddiad Misol Medi 2010: Bu yna 4 cais gan yr Heddlu i arsylwi ar ddeunydd digidol a 2 gais am ddisgiau copi parthed ymddygiad gwrth-gymdiethasol; ysgarmes; ymosodiad a difrod troseddol.

11.3.2 Fforwm CTCC ym Mhenmorfa 22ain o Dachwedd 2010: manylion wedi eu trosglwyddo at sylw'r Maer.

11.4 Pwyllgor Rheoli Cae Maesyderi

Cofnodion ynghlwm o'r cyfarfod o'r 20fed o Hydref 2010.

12. U.F.A.

12.1 Ymgynghoriad ar Wasanaeth Bws Traws Cambria: Lluniwyd ymateb i'r ymgynghoriad gan y Maer; derbyniwyd gan y Cyngor Tref. I'w gyfeirio at y Llywodraeth Cynulliad Cenedlaethol. (Atodiad 2)

12.2 Neges oddi wrth Reolwraig y Gymdeithas Adeiladu'r Principality, Llambod yn gofyn tybed a fyddai'n bosibl i'r Maer i gysylltu â hi.

Bu i'r Cyfarfod ddirwyn i ben am 9.20pm..

13.

DYDDIAD Y CYFARFODYDD NESAF

13.1 Pwyllgor Rheoli Cae Maesyderi: Nos Fercher 17eg o Dachwedd am 6.30pm yn Swyddfa Menter Llambod.

13.2 Cyfarfod Misol nesaf: Nos Iau 25ain o Hydref am 7.30pm.

----- (Arwyddwyd/Dyddiad)